



Šestero uhapšeno u akcijama SIPA

U Sarajevu biznismeni utajili više od tri miliona KM poreza, u Doboju advokat uhapšen zbog ometanja pravde

U akcijama u Sarajevu, te Doboju i Banjoj Luci pripadnici **SIPA** su u dvije odvojene akcije uhapsili šest osoba. U Sarajevu su uhapšeni Hasib Bijelić, vlasnik benzinske pumpe Umax Group, i Emir Šarić, vlasnik studentskog hotela Emiran, a u Doboju advokat Rajko Stokić.

Hasib Bijelić i Emir Šarić uhapšeni su jučer u akciji pripadnika **SIPA** zbog sumnje da su počinili krivična djela organizovani kriminal, utaja poreza i pranje novca.

Akcija u Sarajevu

Postupajući po naredbama Kantonalnog suda u Sarajevu i sarajevskog Tužilaštva, pripadnici Državne agencije za istrage i zaštitu (**SIPA**) jučer ujutro pretresli su objekte na pet lokacija na području Sarajeva te priveli Hasiba Bijelića i Emira Šarića.

Njima se, naime, na teret stavlja da su od 2010. godine do dana hapšenja utajili više od tri miliona KM i to tako što su izbjegli plaćanje poreza na dohodak od prihoda koje su stekli zastupanjem kompanije Special security wehicle trading iz Dubajja.

Novac je, kako se moglo saznati iz izvora bliskih istrazi, uplaćivan na njihove devizne račune kod više komercijalnih banaka, a oni su ga koristili za privatne svrhe, između ostalog, za kupovinu nekretnina i automobila.

- Osobelišene slobode su privedene u službene prostorije **SIPA** radi kriminalističke obrade, nakon čega će se shodno uputama postupajućeg tužioca, odlučiti o njihovom daljem statusu, saopšteno je iz **SIPA**.

Svjedok

U drugoj akciji kodnog naziva Svjedok, pripadnici **SIPA** su obavili pretrese na četiri lokacije na području Banje Luke i Doboja te priveli Rajka Stokića, J. K. Đ. B. i još jednu osobu. Oni se terete za krivično djelo ometanje pravde. Nezvanično, Stokić brani izvjesnog Peru Blagojevića, zvanog Pero Lopov, te se sa ostalim osumnjičenim navodno tereti za uticaj na svjedoke na suđenju Blagojeviću. Još nije poznato dali je među uhapšenim i Stokićeva kćerka, koja je također advokat u Doboju.

Podsjetimo, Pero Blagojević (38), zvan Pero Lopov, iz Bijeljine, Mato Antić, zvan Alja, iz Brčkog, Marko Sekulić i Željko Lazić uhapšeni su u septembru 2013. zbog krađe torbe u kojoj se nalazilo 460.000 eura,

120.000 KM i tri pištolja iz vozila Jove Miličića, vlasnika tvrtke Branka iz Blaževaca kod Pelagićeve.

Prema odredbama KZ-a RS-a, Stokić i ostali uhapšeni u akciji Svjedok suočeni su sa novčanom kaznom ili zatvorom do dvije godine. **D. P.**

Novac je, kako se moglo saznati, uplaćivan na njihove devizne račune kod više komercijalnih banaka, a oni su ga koristili za privatne svrhe



Hotel Emiran / AMER KAJMOVIĆ

Oslobodjenje

Država: Bosna i Hercegovina

Doseg:


Stranica: 29

Površina: 361 cm²

08.07.2016

Friday

2 / 2



Advokat Rajko Stokić